

RESUMAZIUN

digl protocol dalla radunanza communal Surses, da
glindesde, igls 29 d'avost 2016, allas 20.15, an sala Grava a Savognin

Preschaints: 72 votantas e votants
Presidi: Leo Thomann, mastral
Actuar: Beat Jenal

La radunanza communal da Surses digls 29 d'avost 2016 ò

- approvo cun gronda pluralitad igl protocol dalla radunanza communal Surses digls 20 da zarcladour 2016.
- decida cun gronda pluralitad e sainza cuntervusch da surpiglier ena garanzeia da 150'000.00 francs an favour dalla Runals Beiva SA an connex cun l'amplificaziun digl neivadoir anfignen Camon. La garanzeia è necessaria per tgi la societad survigna digl cantun Grischun en credit d'investiziun NPR (nova politica regionala) ed ena contribuziun à fonds perdu.
- approvo cun gronda pluralitad e sainza e cuntervusch la lescha davart igl menaschi dalla reit da distribuziun e la furniziun d'energeia dall'ovra electrica da Surses (lescha d'electricitad). La lescha aintra an vigour igl 1. da schaner 2017 ed è applicabla per la reit da distribuziun dall'OE Surses, tgi cumpeglia tot igls cumegnns fusiunos da Surses cun excepziun da Beiva. Per Beiva valan las disposiziuns digl provedimaint d'energeia da Beiva, igls «Impianti elettrici Bivio».
- approvo cun gronda pluralitad e sainza cuntervusch la lescha da pumpiers digl cumegn da Surses. Cun la resalva dall'approvaziun dalla lescha antras la sieranza da bietgs Grischun aintra la lescha an vigour retroactivamaintg sen igl 1. da schaner 2016.
- piglia cunaschientscha da diversas ulteriouras infurmaziuns.

Igl protocol dalla radunanza communal digls 29 d'avost vign exponia a parteir digls 5 da settember 2016 ainten la canzleia communal digl cumegn da Surses a Tinizong. Tottas persungas cun dretg da votar an tgossas communalas pon piglier invista digl protocol.

Tinizong, igls 2 da settember 2016

Suprastanza communal Surses

Igl mastral: Igl actuar:
sig. Leo Thomann sig. Beat Jenal